



'AVAZ' OTKRIVA Pri kraju istraga Tužilaštva BiH nakon više od pet mjeseci

Uskoro optužnica za 'Gibraltar'

Među osumnjičenima direktori marketinških agencija u BiH • Umjesto tužiteljice Glušac, predmet preuzeo tužilac Janjić • Bakula nije dio kriminalne grupe, tvrdi Martinović

Tužilaštvo BiH privodi kraju istragu u predmetu "Gibraltar", jednoj od najvećih policijskih akcija, koja je u oktobru prošle godine provedena na suzbijanju finansijskog kriminala u koji su, kako se sumnja, umiješani direktori marketinških agencija u našoj zemlji, saznaje naš list iz izvora bliskih ovoj pravosudnoj instituciji.

Desetine svjedoka

Prema izvorima "Avaza", istražitelji Tužilaštva BiH okončali su finansijsku istragu u ovom predmetu i saslušali na desetine svjedoka. Isti izvori našeg lista smatraju da će u ovom predmetu vrlo brzo biti podignuta optužnica protiv pojedinih direktora agencija, jer Tužilaštvo već ima dovoljno dokaza za krivičnu odgovornost.

Istragu je od tužiteljice Dragice Glušac, koja je prvobitno vodila predmet, preuzeo mladi tužilac Miroslav Janjić, koji je došao iz Tužilaštva Kantona Sarajeva. Upravo je Janjić mjeseci-



Hapšenje Prlića: Bio na čelu državnog telekoma

ma pregledavao brojne dokaze Tužilaštva, među kojima su dokazi iz Slovenije i Hrvatske, jer je istraga o ovim malverzacijama vodena u Ljubljani, ali i Austriji.

Riječ je o predmetu u kojem su u velikoj akciji SI-PA-e krajem prošle godine, između ostalih, uhapšeni

Neven Kulenović, Belma Kulenović i Sanjin Kulenović iz marketinške agencije SV-RSA, Stipe Prlić i Zoran Bakula iz "HT Eroneta", Ejub Kućuk, direktor agencije MITA, i Senad Zaimović, vlasnika sarajevske "Fabrike". Sud BiH odbio je tada prijedlog Tužilaštva za pritvor, nakon čega su

pušteni da se brane slobode.

Odluka tužioca

Davor Martinović, Bakulin advokat, kaže za naš list da je Tužilaštvo BiH u slučaju njegovog branjenika i Prlića odustalo od kvalifikacija da su članovi organizirane kriminalne grupe.

Istraga u Sloveniji

U Sloveniji je sudska istraga pokrenuta u maju 2013. u Okružnom sudu u Ljubljani, na zahtjev Specijaliziranog državnog tužilaštva Republike Slovenije.

Istraga je pokrenuta protiv jedne pravne i jedne fizičke osobe zbog osnovane sumnje da su počinile krivično djelo pranja novca, izjavio je tada Harij Furlan, šef slovenskog Specijaliziranog državnog tužilaštva. Kao fizička osoba u ovom slučaju, kako su objavili mediji, spominje se ime Nevena Kulenovića.

- Oni se sada terete za zloupotrebu položaja ili ovlasti. Vjerujem da će njihov predmet biti prebačen u Kantonalno tužilaštvo u Mostaru - rekao nam je Martinović.
M.AŠČIĆ